

詩女史

八之十二

				漢書門
			一	
			一	
			一	
			一	
			一	
			一	
四	三	〇	一	類
冊	架	函	號	

內閣文庫			
			漢書
			一
			一
			一
			一
			一
三	九	四	類
函	架	冊	號

內閣文庫			
番號	漢	11111	
冊數	4 (3)		
函號	363	73	



詩女史

第八卷

淺草文庫

錢塘田藝蘅撰

關盼盼

關盼盼徐州人節制張建封妾也白樂天序云徐州張尚書有愛妓盼盼善歌舞雅多風態為校書郎時遊淮泗間張尚書宴予酒酣出盼盼佐歡予因贈詩落句云醉嬌扶不得風嫋牡丹花一歡而去爾後絕不復知茲一紀矣昨日司勳員外郎張仲素繪之訪余因吟詩新有燕子樓詩三首辭甚婉麗詰其由乃盼盼所作也繪之從事武寧累年頗知盼盼始末云



張尚書既歿彭城有張氏舊第中有小樓名燕子吟
吟念舊愛而不嫁居是樓十餘年于今尚在吟吟詩
云樓上殘燈伴曉霜獨眠人起合歡牀相思一夜情
多少地角天涯不是長又云北邙松柏鎖愁煙燕子
樓人思悄然自埋劔履歌塵散紅袖香銷一十年又
云適看鴻鴈岳陽回又覩玄禽逼社來瑤瑟玉簫無
意緒任從蛛網任從灰余嘗愛其新作乃和之云滿
窗明月滿簾霜被冷燈殘拂牀牀燕子樓中寒月夜
愁來祇爲一人長細帶羅衫色似烟幾回欲起即潛
然自從不舞霓裳袖疊在空箱二十年今春有客洛

陽回曾向尚書墓上來見說白楊堪作柱忍教紅粉
不成灰又贈之絕句黃金不惜買蛾眉揀得如花四
五枝歌舞教成心力盡一朝身去不相隨後仲素以
余詩示吟吟及反覆讀之泣曰自公背妾薨妾非不
能死恐百載之後人以我公重色有從死之妾是玷
我公清範也所以偷生爾乃和白公詩云自守空樓
歛恨眉形同春後牡丹枝舍人不會人深意訝道泉
臺不去隨吟吟得詩後往往經旬不食而卒但吟詩
云兒童不識冲天物謾把青泥污雪毫有燕子樓詩
集僅三百首

崔鶯鶯

崔鶯鶯與孀母鄭氏客止於蒲東普救寺有張生者出於鄭緒其親乃異派之從母適丁文雅軍擾崔氏惶駭不知所托張請吏護之鄭厚張之德命其女鶯鶯以仁兄禮奉見時年十七矣張惑之崔之婢曰紅孀生私爲之禮者數四張綴春詞二首以投之紅孀持綵牋以授張曰崔所命也題其篇曰明月三五夜詞曰待月西廂下迎風戶半開拂墻花影動疑是玉人來張亦微喻其旨是夕歲二月旬有四日矣崔之東有杏花一樹張因梯樹達于西廂則戶半開矣紅

孀寢于牀上因驚之紅娘駭曰郎何以至張曰崔牋召我矣紅娘告之復來曰至矣至矣張謂必濟及鶯鶯至則端服嚴容大數張而去後數日張臨軒獨寢紅娘歛衾攜枕而至撫張曰至矣至矣睡何爲哉張猶疑夢寐俄而紅娘捧崔至則嬌羞融冶力不能運肢體是夕旬有八日矣有頃鐘曉紅娘促去崔氏嬌啼宛轉紅娘又捧而去終夕無言張自疑曰豈真夢耶所可明者妝在臂香在衣淚光熒熒然猶瑩于茵席而已久之張以文調及期當西去崔命拂琴鼓霓裳羽衣序哀音怨亂泣下趨歸張行文戰不勝遂止

于京貽書于崔以廣其意崔荅之云奉覽來問撫愛
過深兒女之情悲喜交集兼惠花勝一合口脂五寸
致耀首膏脣之飾雖荷殊恩誰復爲容睹物增懷但
積悲歎耳玉環一枚是兒嬰年所弄寄充君子下體
所佩亂絲一絢文竹茶碾子一枚欲君子如玉之貞
弊志如環不解決痕在竹愁緒縈絲因物達誠永以
爲好耳心邇身遐拜會無期幽憤所鍾千里神合于
萬珍重後歲餘崔已委身于人張亦有所娶張因其
夫求以外兄見夫語之崔終不爲出潛賦一章詞曰
自從銷瘦減容光萬轉千迴懶下牀不爲傍人羞不

起爲郎憔悴却羞郎後數日張生將行又賦一章以
謝絕之曰棄置今何道當時且自親還將舊來意憐
取眼前人自是遂絕

按鶯鶯乃崔鵬之女於元稹爲中表微之通之托張
生以自表也微之所作諸詩可證

春詞云春來頻到宋家東垂袖開懷待好風鶯藏柳
暗無人語唯有墻花滿樹紅

又云深院無人草樹光嬌鶯不語趁陰藏等閒弄水
浮花片流到門前賺阮郎

此即本傳所謂立綴春詞二首也前後各一鶯字

即鶯鶯也頻到宋家東即會真詩偶向宋家東也
待好風即迎風首倡也墻花即杏樹也

鶯鶯詩云殷紅淺碧舊衣裳取次梳頭暗淡妝夜合
帶煙籠曉日牡丹經雨泣殘陽依稀似笑還非笑彷彿
聞香不是香頻勸嬌波嗔不語等閒教見小兒郎
春曉云半欲天明半未明醉聞花氣睡聞鶯娃兒撼
起鐘聲動二十年前曉寺情

鶯亦鶯鶯也娃兒撼起即本傳紅娘促去也鐘聲
動即所謂寺鐘鳴曉也寺即普救也

贈雙文云艷極翻含態憐多轉自嬌有時還暫笑閒

坐受無聊曉月行堪墜春酥見欲消何因肯垂手不
敢望回腰又襟憶云今年寒食月無光夜色纔侵已
上牀憶得雙文通內裏玉櫳深處暗聞香又云憶得
雙文人靜後憶得雙文籠月下憶得雙文獨披掩憶
得雙文衫子薄

雙文即鶯鶯隱語也寒食即二月時也

會真詩云微月透簾櫳螢光度碧空遙天初縹緲低
樹漸葱朧龍吹過庭竹鸞歌拂井桐羅綃垂薄霧環
珮響輕風絳節隨金母雲心捧玉童更深人悄悄晨
會雨濛濛珠瑩光文履花明隱綉龍瑤釵行綵鳳羅

帔掩丹虹言自瑤華浦將朝碧玉宮因遊里城北偶
向宋家東戲調初微拒柔情已暗通低環蟬影動回
步玉塵蒙轉回流花雪登牀抱綺叢鴛鴦交頸舞翫
翠合歡籠眉黛羞偏聚脣朱暖更融氣清蘭藥馥膚
潤玉肌豐無力慵移履多嬌愛歛躬汗光珠點點髮
亂綠葱葱方喜千年會俄聞五夜窮留連時有恨縷
綰意難終慢臉含愁態芳詞誓素衷贈環明運合留
結表心同啼粉流宵鏡殘燈遠暗蟲華光猶冉冉旭
日漸瞳瞳乘霧還歸洛吹簫亦上嵩衣香猶染麝枕
膩尚殘紅羃羃臨塘草飄飄思渚蓬素琴鳴怨鶴清

漢望歸鴻海闊誠難度天高不易冲行雲無處所蕭
史在樓中

楊巨源賦崔娘詩云清潤潘郎玉不如中庭蕙草雪
消初風流才子多春思腸斷蕭娘一紙書

步非煙

步非煙臨淮武公業愛妾也善秦聲好文筆尤工擊
毬比鄰趙象於南垣隙中窺見神氣俱喪乃厚賂閻
妻以薛濤牋題詩誘之曰一覩傾城貌塵心只自猜
不隨蕭史去擬學阿蘭來非煙寫金鳳牋酬之曰綠
慘雙蛾不自持只緣幽恨在新詩郎心應似琴心怨

言一之卷八
六
脉脉春情更泥誰象又以剡溪玉葉紙賦詩以謝曰
珍重佳人惠好音綵牋芳翰兩情深薄於蟬翼難供
恨密似蠅頭未寫心疑是落花迷碧洞只思輕雨洒
幽襟百回消息千回夢裁作長謠寄綠琴非煙偶病
旬日以連蟬錦香囊并碧苔牋荅詩曰無力嚴妝倚
繡櫳暗題蟬錦思難窮近來贏得傷春病柳弱花欹
怯曉風象回詩曰見說傷情爲見春想封蟬錦綠蛾
頻叩頭與報煙鄉道第一風流最損人非煙荅詩曰
畫簷春燕湏同宿蘭浦雙鴛肯獨飛長恨桃源諸女
伴等閒花裏送郎歸一夕曛黑象梯垣而登非煙已

令重榻於下既下及曉而出象明日贈詩曰十洞三
清雖路阻有心還得傍瑤臺瑞香風引思深夜知是
藥宮仙馭來非煙復之曰相思只怕不相識相見還
愁却別君願得化爲松上鶴一雙飛去入行雲無何
女奴以告公業公業怒鞭楚不勝非煙飲一杯水而
絕

薛濤

薛濤字洪度本長安良家子父鄭因官寓蜀濤八九
歲知聲律其父一日坐庭中指井梧示之曰庭除一
古桐聳幹入雲中令濤續之應聲曰枝迎南北鳥葉

送往來風父愀然久之及長有姿色尤工詩翰父卒
母喪居韋臯鎮蜀召令侍酒賦詩因入樂籍及罰赴
邊有懷上韋相公詩云聞道邊城苦而今到始知却
將門下曲唱與隴頭兒武元衡辟爲校書郎或疑營
妓無校書之號乃韋欲奏之而罷故胡曾贈之曰萬
里橋邊女校書琵琶花下閉門居掃有才子知多少
管領春風總不如元稹聞濤有辭辯及爲監察使蜀
以御史推鞠難得見焉嚴司空潛知其意每遣濤往
侍微之矜持筆硯薛濤走筆作四友贊其畧曰磨捫
虱先生之腹濡藏鋒都尉之頭引書媒而默默入文

畝以休休微之驚服洎登翰林以詩寄曰錦江滑膩
峨眉秀幻出文君與薛濤言語巧偷鸚鵡舌文章分
得鳳皇毛紛紛辭客多停筆箇箇君侯欲夢刀別後
相思隔煙水菖蒲花發五雲高因寄舊詩與之云詩
篇調態人皆有細膩風光我獨知月夜詠花憐暗淡
雨朝題柳爲歌垂長教碧玉藏深處總向紅牋寫自
隨老大不能收拾得與君開似教男兒高千里鎮蜀
嘗開宴改一字令曰口有似沒量斗濤曰川有似三
條椽駢曰柰何一條曲濤曰相公尚使沒量斗窮酒
佐三條椽有一條曲又何足怪其巧于調笑類如此

詩女卷八
八
濤曾爲連帥所喜因事獲怒而遠之作十離詩以獻
其一犬離家云出入朱門四五年爲知人性足人憐
只因咬著親情脚不得紅絲毯上眠其二魚離池云
一入池中四五秋常將朱尾玩銀鈎近緣戲觸紅蓮
折不得隨波上下遊其三鸚鵡離籠云慣向侯門養
此身飛來飛去羽毛新近緣言語無方便不得籠中
再喚人其四竹離叢云翁鬱栽成四五行常持堅節
待秋霜近來春筍鑽塔破不得垂枝對畫堂其五珠
離掌云一顆明珠內外通分明皎潔水晶宮近緣一
點瑕相類不得朝朝在掌中帥覽詩憐之遂復合焉

濤好製小詩借其幅大遂狹小之蜀中號曰薛濤
晚年屏居浣花溪著女冠服年近八十卒有詩五百
餘首後進士楊蘊中下成都獄夢一婦人曰吾薛濤
也贈詩云玉漏深長燈耿耿東墻西墻時見影月明
凶外子規啼忍使孤魂愁夜末李肇國史云濤文妖
也人以爲名言

春望詞云花開不同賞花落不同悲欲問相思處花
開花落時

送友人云水國蕪葭夜有霜月寒山色共蒼蒼誰言
萬里自今夕離夢杳如關塞長

送盧員外云王壘山前風雪夜錦官城外別離魂信
陵公子如相問長向夷門感舊恩
題竹郎廟云竹郎廟前多古木夕陽沉沉山更綠何
處江村有笛聲笛聲盡是迎郎曲
酬支使君云延英曉拜漢恩深五馬騰驤九陌塵今
日謝庭飛白雪巴歌不復舊陽春
贈遠云夫容新落蜀山秋錦字開緘別是愁閨閣不
知戎馬事月高還上望夫樓
柳絮云二月楊花輕復微春風搖蕩惹人衣他家本
是無情物一任南飛又北飛

柳氏

柳氏李將妓也李與韓翊善柳語與李曰韓秀才窮
甚矣必不久貧賤宜假借之李深領之一日酒酣謂
韓曰秀才當今名士柳氏當今名色以名色配名士
不亦可乎遂命柳從坐接韓韓懇辭不敢當李曰大
丈夫相遇杯酒間一言道合尚相許以死况一婦人
哉柳卒歸韓來歲韓成名節度侯希逸奏爲從事以
世方擾置柳都下三歲不果迓寄詩曰章臺柳章臺
柳往日依依今在否縱使長條似舊垂亦應攀折他
人手柳復書答詩曰楊柳枝芳菲節可恨年年贈離

別一葉隨風忽報秋縱使君來豈堪折柳以色顯獨
居恐不免乃欲落髮為尼後竟為番將沙吒利所劫
寵之專房韓悵然不能割有虞侯將許俊年少被酒
起曰當為員外立至之乃急裝乘一馬牽一馬逕馳
沙吒利之第會出即入曰將軍墜馬且不救遣取夫
人柳驚出即挾上馬馳去一座驚歎同白希逸修表
上聞代宗詔柳歸韓

劉采春

劉采春浙人容華莫比嘗作囉嘖曲云不喜秦淮水
生憎江上船載兒夫婿去經歲又經年又云借問東

園柳枯來得幾年自無枝葉分莫愁太陽偏又云莫
作商人婦金釵當卜錢朝朝江口望錯認幾人船又
云那年離別日只道往桐廬桐廬人不見今得廣州
書又云昨日勝今日今年老去年黃河清有日白髮
黑無緣元稹庶問浙東贈采春詩云新妝巧樣畫雙
蛾慢褰常州透額羅正回偷倫光滑笏緩行輕踏皺
紋波言辭雅措風流足舉止低回秀媚多更有腦人
腸斷處選詞能唱望夫歌望夫歌者即囉嘖之曲也
元云在浙河七年因醉題東武其詩曰役役行人事
紛紛碎簿書功夫兩衙盡留滯七年餘病痛梅天發

親情海岬踈因循歸未得不是戀鱸魚盧侍郎簡求
戲曰丞相雖不爲鱸魚爲好鑑湖春色耳謂采春也
采春女曰周德華善歌楊柳枝詞在湖州崔芻言郎
中席上所唱七八篇皆名流之詠詞多不載

盛小叢

小叢妓也李尚書訥爲浙東廉使夜登越城樓聞歌
曰鴈門山上鴈初飛馬邑關中馬正肥日旰山西逢
驛使殷勤南北送征衣其聲激切召至曰去籍妓盛
小叢突厥三臺詞也時崔侍御元範自府幕赴闕庭
李賤之命小叢歌餞在座各爲一紙贈送之崔詩云

辛公留宴峴山亭洛浦高歌五夜情獨向柏臺爲老
吏可憐林木響餘聲或曰侍御鳳閣中書即其程也
何老於柏臺請改之崔不可是年秋崔鞠獄譙中乃
終於柏臺之任訥詩云繡衣奔命去情多南國佳人
歛翠蛾曾向教坊聽國樂爲君重唱成叢歌同詠者
楊判官知至云燕趙能歌有幾人封判官彥卿云爲
君唱作西歌調盧觀察鄴云更吐歌珠宴庾樓高諫
議湘云歌黛慘時方醕酌盧處士澱云桃葉不須歌
白苧其爲名流所重如此

徐月英

月英江淮間娼也送人詩云惆悵人間萬事違兩人
同去一人歸生憎平望亭前水忍照鴛鴦相背飛又
云枕前淚與堦前水隔箇閑窓滴到明有集行于世
金陵徐氏諸公子寵一營伎死乃焚之月英送葬謂
徐公曰此孃平生風流沒亦帶焰時號美謔也

常浩

常浩者伎也贈盧夫人詩云佳人惜顏色恐逐芳菲
歇日暮出畫堂下堦見新月拜月仍有詞傍人那得
知歸來玉臺下始覺淚痕垂

蓮花

蓮花豫章妓也劔浦人陳陶居南昌西山嚴尚書字
鎮豫章遣蓮花往侍陶陶殊不顧蓮花爲詩曰蓮花
爲號玉爲腮珍重尚書遣妾來處士不生巫峽夢虛
勞神女下陽臺陶荅之曰近來詩思清於月老大心
情薄似雲已向羅天得門戶錦衾深媿卓文君

杜秋娘

秋娘金陵倡家女也年十五爲李錡妾爲錡唱詞云
勸君莫惜金縷衣勸君莫惜少年時花開堪折直須
折莫待無花空折枝

鄂州妓

言女界卷八
鄂州妓失其姓名韋蟾廉問鄂州罷賓僚祖錢蟾首
書文選句云悲莫悲兮生別離登山臨水送將歸以
牋毫授賓從請續其句逡巡有妓泫然起曰某不才
不敢染翰欲口占兩句韋大驚異令隨念云武昌無
限新栽柳不見楊花撲面飛座客無不嘉歎韋令唱
作楊柳枝詞

平康伎

裴思謙及第後作紅牋名紙十數幅詣平康里宿焉
詰旦一伎賦詩曰銀釭斜背解鳴璫小語偷聲賀玉
郎從此不知蘭麝貴夜來新惹桂枝香

太原伎

歐陽詹遊太原悅一妓將別約至都相迎寄詩曰鷗
鳧漸覺遠回頭長路塵高城已不見况復城中人去
意自未甘居情諒猶辛萬里東北晉千里西南秦一
履不出門一車無停輪流萍與瓠繫早晚期相親妓
得詩思之不已疾且甚乃刃其髻藏之謂女弟曰歐
陽生至可以爲信題詩云自從別後減容光半是思
郎半恨郎欲識舊來雲髻樣爲奴開取縷金箱絕筆
而逝及詹至啓函一慟而卒

襄陽伎

送人云弄珠灘上欲消魂獨把離懷寄酒尊無限烟
花不留意忍教芳草怨王孫

故臺城妓

耿家青衣

金陵黃進士夢遇臺城故妓自云今為吳神樂部其
詩云歌罷玉樓月舞殘金縷衣勻鈿妝迸節歛黛別
重闌網斷蛛猶織梁春燕不歸那堪回首處江步野
雲飛

耿將軍守瑩青衣云獨持巾櫛掩玄關小帳無人燭
影殘昔日羅衣今化盡白楊風起隴頭寒

第八卷終

詩女史

第九卷

錢塘田藝衡撰

李冶

李冶字季蘭女冠也五六歲其父抱於庭作詩詠薔
薇云經時未架却心緒亂縱橫父恚曰此必為失行
婦也後竟如其言嘗與諸賢會烏程縣開元寺河間
劉長卿有陰重疾季蘭乃調之曰山氣日夕佳長卿
對曰衆鳥欣有託舉坐大笑論者美之長卿嘗曰季
蘭女中詩豪也高仲武亦云士有百行女唯四德季
蘭則不然形氣既雄詩意亦蕩自鮑昭以下罕有其

詩
倫如遠水浮仙棹寒星伴使車蓋五言之佳境也上
倣班姬則不足下比韓英則有餘不以遲暮亦一俊
姬

結素魚貽友人云尺素如殘雪結爲雙鯉魚欲知心
裏事看取腹中書

送闍二十六赴剡縣云流水闍門外孤舟日復西離
情遍芳草無處不萋萋妾夢經吳苑君行到剡溪歸
來重相訪莫學阮郎迷

得闍伯鈞書云情來結鏡懶梳頭暮雨瀟瀟庭樹秋
莫恠闌干垂玉筍只緣惆悵對銀鈎

湖上卧病喜陸鴻漸至云昔去繁霜月今來苦霧時
相逢仍卧病欲語淚先垂強勸陶家酒還吟謝客詩
偶然成一醉此外更何之

寄校書七兄云無事烏程縣蹉跎歲月餘不知芸閣
吏寂寞竟何如遠水浮仙棹寒星伴使車因過大雷
峴莫忘幾行書岸一作澤

寄朱放云望水試登山山高湖又闊相思無曉夕相
望經年月鬱鬱山木榮綿綿野花發別後無限情相
逢一時說

送韓揆之江西云相看指楊柳別恨轉依依萬里西

江水孤舟何處歸
湓城潮不到夏口
信應稀唯有衡陽
鴈年年來去飛

道意寄崔侍郎云
莫漫戀浮名應湏
薄宦情百年齊日
暮前事盡虛盈愁
鬢行看白童顏學
未成無過天竺國
依止故先生故一作古

賦得三峽流泉歌云
妾家本住巫山雲
巫山流泉常自聞
玉琴奏出轉寥曠
直似當時夢裡聽
三峽迢迢幾千里
一時流入幽閨裏
巨石崩崕指下生
飛泉走浪絃中起
初疑憤怒含雷風
又似嗚咽流不通
回湍曲瀨勢將盡
時復滴瀝平沙中
憶昔阮公爲此曲
能

令仲容聽不足一彈
既罷還一彈願似
流泉鎮相續

魚玄機

光

威

哀

玄機姓魚氏字幼微
甚有才思善屬文咸
通中爲李億補闕執
箕箒及愛衰入山隸
西京咸宜觀爲女道士
後以笞殺女童綠翹
事下獄爲京兆溫璋
所殺有集行于世

聞李端公郢垂釣回
寄贈云無限荷香染
暑衣阮郎何處弄船
歸自慚不及鴛鴦侶
猶得雙雙近釣磯
江行詩云大江橫抱
武昌斜鸚鵡洲前十
萬家畫舸春眠朝未
穩夢爲蝴蝶也尋花

酬李學士寄簞云珍簞新鋪翡翠樓泓澄玉水記方
流唯應雲扇情相似同向銀牀恨早秋

江陵愁望寄子安云楓葉千枝復萬枝江橋掩映暮
帆遲憶君心似西江水日夜東流無歇時 李子安

送別云秦樓幾夜愜心期不料仙郎有別離睡覺莫
言雲去處殘燈一盞野蛾飛

迎李近仁負外云今日喜時聞喜鵲昨宵燈下拜燈
花焚香出戶迎潘岳不羨牽牛織女家

賦得江邊柳云翠色連荒岼煙姿入遠樓影鋪秋水
面花落釣人頭根老藏魚窟枝低繫客舟瀟瀟風雨

夜驚夢復添愁

贈鄰女云羞日遮羅袖愁春懶起妝易求無價寶難
得有情郎枕上潛垂淚花間暗斷腸自能窺宋玉何
必恨王昌

寄國香云旦夕醉吟身相思又此春雨中寄書使
下斷腸人山捲珠簾看愁隨芳草新別來清宴上幾
度落梁塵 田國香

酬李郢夏日釣魚回見示云住處雖同巷經年不一
過清詞勸舊女香桂折新柯道性欺冰雪禪心笑綺
羅跡登霄漢上無路接煙波

訪趙鍊師不遇云何處同仙侶青衣獨在家暖爐留
煮藥鄰院爲煎茶畫壁燈光暗幡竿日影斜殷勤重
回首墻外數枝花

寄飛卿云堦砌亂蛩鳴庭柯煙露清月中鄰樂響樓
上遠山明珍簾涼風着瑤琴寄恨生嵇君懶書札底
物慰秋情

寄劉尚書云八座鎮雄軍謠謠滿路新汾川三月雨
晉水百花春囹圄長空鎖干戈又覆塵儒僧觀子夜
羈客醉紅茵筆硯行隨手詩書坐遶身小才多顧盼
得作食魚人

感懷寄人云恨寄朱絃上含情意不任早知雲雨會
未起蕙蘭心灼灼桃兼李無妨國士尋蒼蒼松與桂
仍羨世人欽月色苔堦淨歌聲竹院深門前紅葉地
不掃待知音

隔漢江寄子安云江南江北愁望相思相憶空吟鴛
鴦暖卧沙浦鷓鴣閒飛橘林煙蕙不歸隱隱渡頭月
色沉沉含情咫尺千里况聽家家遠砧

情書寄子安云飲冰食蘖志無功晉水壺關在夢中
秦鏡欲分愁墮鵲舜琴將弄怨飛鴻井邊桐葉鳴秋
雨窓下銀燈暗曉風書信茫茫何處問持竿盡日碧

江空

閨怨云
薜蘿盈手泣斜暉
聞道鄰家夫婿歸
別日南鴻纔北去
今朝北鴈又南飛
春來秋去相思在
秋去春來信息稀
倚闌朱門人不到
砧聲何事透羅幃
春情寄子安
云山路欹斜
石磴危不愁行
苦苦相思冰銷遠
碣憐清韻雪遠寒
峰想玉姿莫聽凡
歌春病酒休招
閒客夜貪碁如松
匪石盟長在比翼
連襟會肯遲雖恨
獨行冬盡日終期
相見月圓時
別君何物堪持贈
淚落晴光一首詩

因次光威哀韻姊妹三人少孤而始妍乃有是作精

粹難儔雖謝家聯雪何以加之有客自京師來者示

予其詩曰朱樓影直日當午玉樹陰低月已三光賦

粉暗銷銀釵合錯刀閒剪泥金衫威繡牀怕引烏龍

吠錦字愁教青鳥銜哀百味鍊來憐益母千花開處

鬪宜男光鴛鴦有伴誰能羨鸚鵡無言我自慙威浪

喜遊蜂飛撲撲佯驚孤鵲語喃喃哀偏憐愛數蠓虻

掌每憶光抽玳瑁簪光煙洞幾年悲尚在星橋一夕

悵空含威窓前時節羞虛擲世上風流笑苦諳哀獨

結香綃偷餉送暗垂檀袖學通參光須知化石心難

定却是爲雲分易甘威看見風光零落盡絃聲猶逐

望江南

哀

次韻曰昔聞南國容華少今日東鄰姊妹三妝閣相
 看鸚鵡賦碧牕應繡鳳皇衫紅芳滿院參差折綠醕
 盈杯次第啣恐向瑤池曾作女謫來塵世未為男文
 姬有貌終堪比西子無言我更慙一曲豔歌琴杳杳
 四絃輕撥語喃喃當臺競鬪青絲髮對月爭誇白玉
 簪小有洞中松露滴大羅天上柳煙含但能為兩心
 長在不怕吹簫事未諳阿母幾嗔花下語潘郎曾向
 夢中參暫持清句魂猶斷若覩紅顏死亦甘悵望佳
 人何處在行雲歸北又歸南

元淳

元淳女冠也寄洛中諸姝云舊國經年別關河萬里
 思題詩憑鴈翼望月想蛾眉白髮愁偏覺歸心夢獨
 知誰堪離亂處掩泣向南枝

夷陵女子

歌曰明月清風良宵會同星河易翻歡娛不終綠尊
 翠杵為君斟酌今夕不飲何時歡樂又歌曰楊柳楊
 柳裊裊隨風急西樓美人春夢中翠簾斜卷千條入
 鮑家四絃
 四絃女酒徒鮑生妾也鮑生多蓄聲妓外第章生好

詩文史卷九
乘駿馬客遊四方各求所好一日東歸同憇水閣鮑
以夢蘭小情佐歡飲酣停杯閱馬軒檻韋曰能以人
換任選殊尤鮑欲馬之意頗切密遣四絃更衣盛裝
頃之而至乃命勸韋酒歌云白露濕庭砌皓月臨前
軒此時去留恨含思獨無言又歌送鮑生酒云風颭
荷珠雖暫圓多情信有短因緣西樓今夜三更月還
照離人泣斷絃韋乃命牽紫叱撥以酬之俄有紫衣
冠二人自閣西升階而來二生恐悚闔戶窺之一人
長髯云足下賦云斜漢左界北陸南躔白露靄空素
月流天可謂光絕對曰何不見賞風霽地表雲歛天

末洞庭始波木葉微脫今佳月如畫可以爲賦長髯
曰何聞妾換馬之事可以爲題以彼傾城求其駿足
爲韻長髯曰彼佳人兮如瓊之英此良馬兮負驥之
名將有求於駿足亦何惜於傾城香暖深闈未厭天
桃之色風清廣陌曾憐噴玉之聲希逸曰原夫人以
矜其容馬乃稱其德既各從其所好諒何求而不克
長蹠而別姿容休耀其金鈿右牽而來光彩頓生於
玉勒文通曰步及庭砌立當軒墀望新恩懼非吾偶
也戀舊主疑借人乘之香散綠駿意已忘於鬢髮汗
流紅頰愛無異於凝脂希逸曰是知事有廢興用有

言女史卷九
取捨彼以絕代之容爲鮮矣此以軼群之足爲貴也
買笑之恩既盡有類求之據鞍之力尚存猶希進也
賦訖行十餘步而失廼江淹謝莊也

按愛妾換馬之事不知起於何時漢淮南王劉安所
作辭不傳梁簡文帝有詩云功名幸多種何事苦生
離誰言似白玉定是愧青驪必取匣中劍迴作飾上
羈真成恨不已願得路傍兒則知其來遠矣今鮑生
事載之唐故張祐有詩云綺閣香銷華廐空忍將行
雨換追風休憐柳葉雙眉綠却愛桃花兩耳紅侍宴
求辭春色裏趁朝休立漏聲中恩勞未盡情先盡

泣西風兩意同又以婢賭馬以妾賭帶事頗相類故
俱附錄于此

比齊爾朱文畧豪縱平秦王有七百里馬文畧敵以
好婢賭取之明日平秦王致請文畧殺馬裂婢以二
銀器盛婢頭馬肉遺之

唐嚴續歌姬唐鎬通犀帶皆一代尤物唐有慕姬之
色嚴有欲帶之心因呼盧之會出妓解帶較勝負于
一擲舉坐喪氣六骰數巡唐彩大勝唐乃酌酒命美
人歌一曲而別相君悵然遣之

若耶溪女李弄玉

會昌時一女子題三鄉云余家本若耶溪東與同志者二三紉蘭佩蕙每貪幽閒之境翫花光於松月之亭竟晝綿宵徃徃忘倦洎乎初筭至于五換星霜矣自後不得已從良人西入函關寓居晉昌里第其居迥絕囂塵花木叢翠東西隣二佛宮皆上國勝遊之窟伺其閒寂因遊覽焉亦不辜一時之風月也不意良人已矣邈然無依帝里芳春光景東邁涉滄水歷渭川背終南陟太華經號畧抵陝郊挹嘉祥之清流面女儿之蒼翠凡經過之所皆曩昔讌笑之地銜冤興歎舉目魂銷雖殘骸尚存而精爽都失假使潘岳

復生無以悼其幽思也遂命筆聊題終不能滌其懷抱絕筆慟哭而東時會昌壬戌歲仲春十九日也詩曰昔逐良人西入關良人身歿妾空還謝孃衛女不相待爲雨爲雲歸舊山

序下隱名姓曰二九子爲父後王無瑕并無首荆山石徃徃有以筆墨非女子之事名姓故隱而不書後李舒解之曰二九十八加八木字子爲父後木下子李字也王無瑕去其點也并無首存其并也王下并弄字也荆山石徃徃有者荆石多韞玉當是姓李名弄玉也

湘驛女子

題玉泉溪云紅葉醉秋色碧溪彈夜絃佳期不可再
風雨杳如年

白衣女子

盧絳遇白衣女子歌曰玉京人去秋蕭瑟書簷鵲起
梧桐前

孔氏

孔氏幽州張衙將妻也孔生五子而故後妻李氏悍
怒狠戾虐遇五子曰鞭箠之五子不堪其苦哭於母
冢母忽於家中出撫其子悲慟久之因以白布巾題

詩贈張曰不忿成故人掩涕每盈巾死生今有隔相
見永無因匣裏殘妝粉留將與後人黃泉無用處恨
作冢中塵有意懷男女無情亦任君欲知腸斷處明
月照孤墳五子得詩以呈其父其父慟哭訴於連帥
帥上聞勅李氏決一百流嶺南張停所職

韓僕射姬

韓僕射續請韓熙載撰父神道碑珍貨外仍奉一歌
姬爲潤筆文成但叙譜系品秩及薨葬哀贈而已續
封還意其改竄熙載亟以歌姬珍貨還之姬因題詩
于泥金雙帶云風柳搖搖無定枝陽臺雲雨夢中歸

他年蓬島音塵絕留取尊前舊舞衣悵然而去

徐氏二女

徐氏二女成都人徐耕女也皆有國色耕教為詩有藻思耕家甚貧有相者謂之曰公非久當大富貴耕因使相其二女相者曰青城山有王氣每夜徹天者一紀矣不十年後有真人承運此二女當作后妃君之貴由二女致也及王建入城聞有姿色納于後房姊生彭王妹生衍建即位姊為淑妃妹為貴妃耕為驃騎大將軍及衍即位冊貴妃為順聖太后淑妃為翊聖太妃兄延瓊弟延珪皆致位太師侍中衍常與

母同禱青城山宮人畢從皆服雲霞之衣衍自製甘州詞令宮人歌之其詞哀怨聞者悽愴嘗至青城設醮祈福太后與太妃謁丈人觀先帝御容太后詩曰千尋綠嶂夾流谿登眺因知海岳低瀑布迸春青石碎輪菌橫剪翠峰齊步粘苔蘚龍橋滑目閉煙蘿鳥徑迷莫道穹天無路到此山便是碧雲梯太妃詩曰共謁御容儀還在禁闈笙歌喧瑤殿彩仗耀金徽清波霏羅袂紅霞拂赭衣九疑山水遠無路繼湘妃又至漢州三學山至夜看聖燈太后詩云虔禱遊靈境元妃夙志同玉香焚靜夜銀燭炫遼空泉漱雲根

言女史卷九
月鐘敲檜杪風印金標聖迹飛石顯神功滿望天涯
極臨西日脚紅猿來齋室上僧集講筵中頓覺超三
界渾疑證六通願成修偃事社稷保延洪太妃詩云
聖燈千萬炬旋向碧雲生細雨濕不暗好風吹更明
磬敲金地響僧唱梵天聲若說無心法此光如有情
凡遊覽玄都觀丹景山至德寺各有唱和詩刻于石
及回至天回驛又各賦詩太后詩曰周游靈境散幽
情千里江山暫得行所恨風光看未足卻驅金翠入
龜城太妃詩曰翠驛江亭近玉亭夢竟猶是在青城
比來出看江山景卻被江山看出行行旣荒于酒色

而徐氏姊妹亦各有幸臣不能相規正以至于失國
皆其致也宋平蜀俱斬于朝

費氏

費氏蜀花藥夫人也幼能屬文尤長于詩以才貌事
孟昶得幸賜號花藥夫人嘗作宮詞百首匹休王建
及宋太祖平蜀以俘見問其所作夫人誦詩曰君王
城上豎降旗妾在深宮那得知十四萬人齊解甲寧
無一箇是男兒蓋蜀敗時精兵尚十四萬而王師纔
三萬耳太祖善之後輸織室以罪賜死所傳宮詞余
嘗爲之作叙別爲一集焉

宮詞云五雲樓閣鳳城間花木新長日月閒三十六
宮連內苑太平天子坐崑山

龍池九曲遠相通楊柳絲牽兩岼風長似江南好風
景畫船來往碧波中

殿名新立號重光島上亭臺盡改張但是人行幸
處黃金閣子鎖牙牀

御厨進食簇時新侍宴無非列近臣日午殿頭宣索
鱠隔花催喚打魚人

離宮別院遠宮城金鼓輕敲合鳳笙夜夜月明花樹
下傍池長有按歌聲

太虛高閣凌虛殿背倚城牆面枕池諸院各分娘子
位羊車到處不教知

修儀承寵住龍池掃地焚香日午時等候大家來院
裏看教鸚鵡念新詩

六宮官職總新除宮女安排入畫圖二十四司分六
局御前頻見錯相呼

春風一面曉妝成偷折花枝傍水行卻被內監遙覷
見故將紅豆打黃鶯

殿前排宴賞花開宮女侵晨探幾回斜望花間遙舉
袖傳宣聲喚近臣來

言女界卷九
十四
小毬場近曲池頭宣喚勳臣試打毬先向畫樓排御
幄管絃聲動立浮油

自教官娥學打毬玉鞭初控柳腰柔上棚知是官家
認遍遍長贏第一籌

新秋女伴各相逢
畫船飛別浦中旋摘荷花半歌
舞夕陽斜照滿衣紅

內家宣賜生辰宴
隔夜諸宮進御花
後殿未聞公主
入東門先報下金車

選出仙韶第一人才勝羅綺不勝春
重教按舞桃花
下只踏殘紅作地裯

一云姓徐氏徐匡璋女也即夫人蜀破太祖見而悅
之命別護送途中作詞自解曰初離蜀道心將碎離
恨綿綿春日如綿馬上時時聞杜鵑三千宮女皆美
貌妾最婬媚此去朝天只恐君王寵愛偏未知孰是

黃崇嘏

崇嘏臨邛黃使君女也作男子以詩謁蜀相周庠庠
薦攝府掾事明敏胥吏畏服逾歲欲妻以女嘏作詩
辭之云一辭拾翠碧江湄貧守蓬茅但賦詩自服藍
衫居郡掾永拋鸞鏡畫蛾眉立身卓爾青松操挺志
堅然白璧姿幕府若容爲坦腹願天速變作男兒庠

言女與夫九
得詩大驚問之乃知原未從人與老姥同居也

任氏

任氏者尚書侯繼圖妻也侯本儒生一日倚樓風起
有大桐葉飄墜上有詩云拭翠斂雙眉為鬱心中事
桐葉下庭除書我相思字此字不書石此字不書紙
書向秋葉上願逐秋風起天下有心人盡解相思死
天下負心人不識相思意有心與負心不知落何地
後五六年方卜昏任氏嘗諷此事任氏曰此是妾書
葉時詩爭得在君處侯以今書校葉上無異

周仲美

仙美姓周氏世居京師父宦遊家于成都既而適李
氏舅姑宦泗從良人赴金陵幙偶因事棄官入華山
有長往之意仲美即寄身合肥外祖家方求歸未得
會舅調任長沙俱載而南雲水茫茫去國益遠形影
相吊洒淚而言因書所懷于壁云愛妾不愛子為問
此何理棄官更棄妻人情寧可已求訣泗之濱遺言
空在耳三載無朝昏孤幃淚如洗婦人義從夫一節
誓生死江鄉感殘春腸斷晚煙起西望太華峰不知
幾千里

海印

海印者慈光寺尼也幼出家才思清俊舟夜詩云水色連天色風聲益浪聲旅人歸思苦漁叟夢魂驚舉棹雲先到移舟月逐行旋吟詩句罷猶見遠山橫

第九卷終

詩女史

第十卷

錢塘田藝蘅撰

楊氏

楊氏宋寧宗后也少以姿容選入宮忘其姓氏或曰會稽人初封平樂郡夫人進婕妤有楊次山者亦會稽人后自謂其兄也遂姓楊氏歷婉儀貴妃頗涉書史知古今性復機警任權術有寵竟立為后初韓侂胄欲立曹美人后深銜之會侂胄議兵中原遂與次山謀誅侂胄卒與史彌遠等殺之王津園帝固不知也后既誅侂胄彌遠日益貴用事帝以國嗣未定養

宗室子貴和立爲皇子賜名竑彌遠與竑有隙陰蓄
異志欲立他宗室子昀爲皇子陰與昀通帝大慚彌
遠夜召昀入宮遣后兄子谷及石以廢立事白后后
不可曰皇子先帝所立豈敢擅變谷等泣曰內外皆
已歸心禍變必生則楊氏無噍類矣后默然良久曰
其人安在彌遠等召昀入后拊其背曰汝今爲吾子
矣遂矯詔廢竑爲濟王立昀爲皇子即帝位尊皇后
曰皇太后同聽政寶慶二年加尊號壽明紹定元年
復加慈睿四年后壽七十帝率百官朝慈明殿加尊
號壽明仁福慈睿皇太后及不豫大赦天下五年壽

七十一崩謚恭聖仁烈皇后所著有宮詞五十首乃
其臣杜思忠模刻者今止存三十首云

瑞日瞳矐散曉紅乾元萬國珮丁東紫宸北使班纔
退百辟回趨德壽宮

元宵時雨賞宮梅恭請光堯壽聖來醉裏君王扶上
輦鑾輿半仗點燈回

柳枝挾雨握新綠桃蕊含風破小紅天上春光偏得
早嵯峨宮殿五雲中

溶溶太液碧波翻雲外樓臺日月閒春到漢宮三十
六爲分和氣到人間

晚窓生白已鶯啼啼在宮花第幾枝煙斷獸爐香未
歇曲房朱戶夢回時

一簾小雨怯春寒禁籞深沉白晝閒滿地落花紅不
掃黃鸝枝上語綿蠻

上林花木正芳菲內裏爭傳御製詞春賦新翻入宮
調美人群唱捧瑤卮

海棠花裏奏琵琶沉碧池邊醉九霞禁籞融融春日
靜五雲深護帝王家

後院深沉景物幽奇花名竹弄春柔翠華經歲無遊
幸多少亭臺廢不脩

天申聖節禮非常躬率群臣上壽觴天子捧盤仍再
拜侍中宣達近龍床

水殿鈎簾四面風荷花簇錦照人紅吾皇一曲薰絃
罷萬族泠泠解愠中

繞堤翠柳忘憂草夾岸紅葵安石榴御水一溝清徹
底晚涼時泛小龍舟

薰風宮殿日長時靜運天機一局碁國手人人饒處
着須知聖筭出新奇

宮殿鈎簾看水晶時當庚伏熾炎蒸翰林學士知誰
直今日傳宣與賜冰

詩女史卷十
前
雲影低溼栢子池秋聲輕度萬年枝要知玉宇涼多
少正在觀書乙夜時
瑣窓宮漏滴銅壺午夢驚回落井梧風逝樂聲來玉
宇日移花影上金鋪
涼生水殿樂聲浮釣得金鱗上御鈎聖德至仁元不
殺指揮皆放小池頭
涼秋結束鬪尖新宣入毬場尚未明一朵紅雲黃蓋
底千官下馬起居聲
秋高風動角弓鳴臂健常嫌斗力輕玉陛纔傳看御
箭紅心雙中謝恩聲

思賢夢寢過商宗右武崇儒治道隆總攬乾綱求治
理群臣臧否疏屏風
用人論理見宸衷賞罰刑威合至公天下監司二千
石姓名都在御屏中
家傳筆法學光堯聖草真行說兩朝天縱自然成一
體謾誇虎步與龍跳
泛索坤寧日一羊自從正位控辭章好生恭儉超千
古風化宮嬪只淡粧
擊鞠由來豈作嬉不忘鞍馬是神機捧韉絕尾施新
巧背打星毬一點飛

宮槐映日翠陰濃薄暑應難到九重節近賜衣爭試
巧綵絲新樣起盤龍

角黍冰盤餽釘裝酒闌昌歎泛瑤觴近臣誇賜金書
扇御侍爭傳佩帶香

一朵榴花插髮鴉君王長得笑時誇內家衫子新翻
出淺色輕裁艾虎紗

簾幙深深四面垂清和天氣漏聲遲中宮閣裏催繅
繭要趁親蚕作五絲

歲歲蠶登麥熟時密令中使視郊圻歸來奏罷天顏
悅喜阜吾民鼓玉徽

小樣盤龍集翠裘金羈緩控五花騶綉旗開處鈞天
奏御捧先過第一籌

情桃

舊桃寇萊公妾也靈淑能詩公嘗高會集諸妓賞綾
綺千數舊桃獻詩曰一曲清歌一束綾美人猶自意
嫌輕不知織女寒窓下幾度拋梭織得成又云風動
衣單手屢呵幽窓軋軋度寒梭臘天日短不盈尺何
似妖姬一曲歌公和之曰將相功名終若何不堪急
景似奔梭人間萬事何須問且向尊前聽豔歌萊公
尋貶嶺南道杭州舊桃有疾謂萊公曰妾必不起幸

言女史卷一
葬我於天竺山下公驚哀不已菑桃曰相公宜自愛
亦非久居人世者已而公果薨于雷州今墓在下天
竺

錢氏

錢氏南宮縣君也有感詩云士悲秋色女懷春此語
由來未是真倘若有情相眷戀四時天氣總愁人

王氏

王氏趙德麟妻也嘗作詩云白藕作花風已秋不堪
殘睡更回頭晚雲帶雨歸飛急去作西窓一夜愁時
德麟鰥居因見此詩遂娶之人以爲二十八字媒也

宣和士女

宋宣和六年徽宗于元宵放燈宣賜萬姓人酒一杯
忽一婦人飲畢將金杯藏于懷中當被押至御前婦
人奏鵲鳩天詞云月滿蓬壺燦爛燈與郎携手至端
門貪觀鸞鶴笙歌舉不覺鴛鴦失却群天漸曉感皇
恩傳宣賜酒臉生春歸家只恐兒夫責乞賜金杯作
照憑徽宗即以金杯與之或曰此婦之詞恐伊夫宿
構以欺陛下否上遂命此婦以金杯撰念奴嬌詞云
婦復口占曰桂魄澄輝禁城內萬盞花燈羅列無限
佳人穿綉徑幾多妖豔奇絕鳳燭交光銀燈相射奏

言女史卷一
蕭韶初歆鳴鞞響處萬民仰瞻宮闕 妾自閨門給
假與夫携手共賞元宵誤到玉皇金殿砌賜酒金杯
滿設從來量窄紅凝粉面尊見無憑說假王金盞免
公婆責罰臣妾上大悅與之

朱后

朱氏宋欽宗后也與徽欽鄭太后爲契丹所虜起送
燕京時有番官澤利者押發澤利與信安知縣飲酒
乘醉命朱后勸酒唱歌朱后以不能對澤利怒曰四
人性命在我掌中安得如是后不得已不勝涕泣乃
持杯作歌曰勿富貴兮厭綺羅裳長入宮兮奉尊王

今委頓兮流落異鄉嗟造物兮速死爲強歌且上澤
利酒澤利笑曰詞最好可更唱一歌勸知縣也后再
歌曰昔居天上今珠宮貝闕今日草莽兮事何可說
屈身辱志兮恨何可雪誓速歸泉下兮此愁可絕澤
利拽后衣曰坐此同飲后怒欲手格之力不及爲澤
利所擊賴知縣勸止復舉杯持后手曰勸將軍酒后
曰妾不能矣願將軍殺我死且不恨欲自投井左右
救止之後卒于燕年二十歲

林杜孃

林杜孃杭州新城人碧沼勝居詩云幽谷泉聲冷鳥

言女吳卷一
三
啼僧定深好花叢古砌寒瀑發高岑遊客陸鴻漸居
人支道林欲辭青嶂去臨去復成吟

王氏

王氏曹元寵母也雪中觀伎云梁王宴罷下瑤臺窄
窄紅靴步雪來恰似陽春三月暮楊花飛處牡丹開

王氏

王氏丞相徽姪女幼年慕道撫琴吟詩嘗曰洞宮有
君命當補仙官題詩曰翫水登山無足時諸仙頻下
聽琴詩此心不戀居人世惟見天邊雙鶴飛是夕奄
然而終雙鶴音樂異香滿野及就木空形而已

王氏

王氏

王安石妻

王氏蓬萊縣君乃舒王安石女吳安持妻也有詩寄
其父曰西風吹入小窓紗秋氣應憐我憶家極目江
山千里恨依然和淚看黃花舒王以楞嚴經新釋付
之和曰青燈一點映窓紗好讀楞嚴莫念家能了諸
緣如夢幻世間應有妙蓮花又平甫女爲劉天保妻
有句云不緣燕子穿簾幙春去春來可得知又安石
妻吳國夫人嘗有小詞約諸親遊西池云待得明年
重把酒那知無雨又無風

楊璞妻

詩女史卷卅

四

楊璞杞人能詩真宗召之其妻作詩以送行云更休
落魄貪杯酒亦莫猖狂愛味詩今日捉將官裏去這
回斷送老頭皮及對自言不能詩上問臨行有人作
詩送卿否璞曰獨臣妻有詩因誦之上大笑放還山

丘氏

丘氏舜中女也姊妹皆能文詞每兄弟內集必聯詠
爲樂其仲嘗作寄夫詩云簾裏孤燈覺曉遲獨眠留
得宿妝眉珊瑚枕上驚殘夢認得蕭郎馬過時

曹緝

曹緝作詩立成一日游乾明寺見諸尼作繡工尼乞

詩乃應聲爲集句云垂起楊花滿繡牀爲它人作嫁
衣裳因過竹院逢僧話始覺空門興味長

鴛鴦詩云柴扉花嶼接江湖頭白成雙得自如春晚
有時描一對日長銷盡繡工夫

朱淑真

朱淑真錢塘人幼警慧工詩書風流蘊藉蚤歲不幸
父母不能擇伉儷乃嫁爲市井民家妻其夫村惡遽
除戚施種種可厭淑真抑鬱不得志作詩多憂怨之
思以寫其不平之憤時牽情于才子竟無知音悒悒
抱恚而死父母復以佛法并其平生著作茶毗之今

詩女史卷一
五
所傳者不過十一耳臨安王唐佐立傳宛陵魏端禮
輯之名曰斷腸集敘曰清新婉麗蓄思含情能道人
意中事云

清畫詩云竹搖清影罩幽窓兩兩時禽噪夕陽謝却
海棠飛盡絮困人天氣日初長

春日雜書云春來春去幾經過不似今年恨最多寂
寂海棠枝上月照人清夜欲如何

又云門前春水碧於天坐上詩人逸似仙彩鳳一雙
雲外落吹簫歸去又無緣

春宵云夢回酒醒春愁怯寶鴨煙銷香未歇薄衾無

柰五更寒杜鵑叫落西樓月

有感云倦對飄零滿徑花靜聞春水鬧鳴蛙故人何
處草空碧撩亂寸心天一涯

早秋云肅肅西風至凄然景驟清雨餘殘暑退日落
晚涼生鷹隼雙眸轉梧桐一葉驚試聽松竹裏萬籟
起秋聲

春霽云淡淡輕寒雨後天柳絲無力帶朝煙弄晴鶯
舌于中巧着雨花枝分外妍消破舊愁憑酒釀去除
新恨賴詩篇年年來到梨花月瘦不勝衣怯杜鵑
送春詞云樓外垂楊千萬縷欲繫青春少住春還去

猶自風前飄柳絮隨春且看歸何處 滿目山川聞
杜宇便做無情莫也愁人意把酒送春春不語黃昏
却下瀟瀟雨

夏日遊湖詞云惱煙撩露留我須更住攜手藕花湖
上路一霎黃梅細雨 嬌癡不怕人猜和衣倒在人
懷最是分携時候歸來懶傍妝臺

同時有魏夫人者亦能詩嘗置酒以邀淑真命小鬟
隊舞因索詩以飛雪滿群山爲韻淑真醉中援筆賦
五絕云管絃催上錦裯時體態輕盈祗欲飛若使明
皇當日見阿蠻無計恍楊妃又云香茵穩襯半鈎月

往來凌波雲影滅絃催緊拍促將遍兩袖翻然作回
雪又云柳腰不被春拘管鳳轉鸞回霞袖緩舞徹伊
州力不禁筵前撲簌花飛滿又云占斷京華第一春
清歌妙舞實超群只愁到曉人星散化作巫山一段
雲又云燭花影裏粉姿閒一點愁侵兩點山不怕帶
他飛燕妬無言逐拍省弓彎

魏夫人

魏夫人捲珠簾詞云記得來時春未暮執手攀花袖
染花梢露暗卜春心共花語爭尋雙朶爭先去 多
情因甚相辜負有輕拆輕離向誰分訴淚濕海棠花

詩女吳卷一
七
枝處東君空把奴分付

丁渥妻

丁渥在太學已久夢歸見其妻燈下作書寄生又於別幅見詩云淚濕香羅袖臨風不肯乾欲憑西去鴈寄與薄情看後得寄詩果即夢中所見者

崔球妻

崔球久居太學夢歸見其妻秉燭寫詩寄夫云數日相望極須知志氣迷夢魂不怕險飛過大江西後得來詩即夢中之句夢之夕乃修書時也

毛友龍妻

毛友龍未第其妻寄詩云剔燭親封帛字書擬憑歸鴈寄天隅經年未報干秦策不識如今舌在無

高氏

高氏淮南士人妻也暮春感懷云楊花日日常無定海蕪年年却有歸一瞬青春疾如電等閒看盡縷金衣

詹茂光妻

詹茂光妻寄遠云錦江江上探春回消盡寒氷落盡梅願得兒夫似春色一年一度一歸來

賀方回姬

言女界卷一
賀方回姬答賀相公見寄云獨倚危闌淚滿襟小園
春色懶追尋深恩總似丁香結難展芭蕉一寸心

侯氏

侯氏程珣妻也封安縣君其聞鴈詩云何處驚飛起
雖雖過草堂早是愁無寐忽聞意轉傷良人沙塞外
羈妾守空房欲寄回文信誰能付汝將

華春孃

贈外云燕子樓中燕子飛芹泥一點誤沾衣主人頻
起嗔嫌意垂下珠簾不放歸

許氏

許氏方勉妻也勉與故人飲于市醉犯夜禁囚于府
庭時鄭毅夫作尹許氏獻書接其夫并投詩云明時
樂事輸詩酒帝里風光剩占春况是白衣重得侶不
堪青旆自招人早知玉漏催三鼓不把金貂換百巡
大抵仁人憐氣類肯教孤客作囚身鄭尹見之釋免

楊氏女

楊氏女越漁者楊翁女也絕色爲詩不過兩句或問
胡不終篇答曰無奈情思纏繞至兩句即思亂不繼
有謝生求娶焉父曰吾女宜配公卿謝曰諺云少女
少郎相樂不忘少女老翁苦樂不同且安有少年公

詩女史卷一
卿邪翁曰吾女詞多兩句子能續之稱其意則妻矣
示其篇曰珠簾半牀月青竹滿林風謝續曰何事今
宵景無人解與同女曰天生吾夫遂偶之後七年春
日楊忽題曰春盡花隨盡其如自是花謝曰何故為
不祥句楊曰吾不久于人間矣謝續曰從來說花意
不過此容華楊即瞑目而逝

葉桂女

葉桂女字月流題琵琶亭云樂天當日最多情淚滴
青衫酒重傾明月滿船無處問不聞商女琵琶聲

英州司寇女

一女子題梅關云妾幼侍父任英州司寇既代還以
大庾有梅嶺之名而反無梅遂植三十本于道仍題
詩曰英江今日掌刑回上得梅山不見梅掇俸買將
三十本清香留與雪中開

李氏女

毗陵人李氏有女年十六能詩咏破錢云半輪殘月
掩塵埃依稀猶有開元字想得清光未破時買盡人
間不平事又彈琴詩云當年曾笑卓文君豈信絲桐
解誤身今日未彈心已亂此心原是不由人

永安驛女

言女史卷一
一女子題詩永安驛廊東柱云無人解妾心日夜長
如醉妾不是瓊奴意與瓊奴類按瓊奴姓王氏郎中
幼女失身於趙奉常家爲主母凌辱道出淮上書其
事于驛壁見者哀之

士人妻

一士居太學其妻以詩寄鞋韞云細韞官鞋巧樣新
殷勤寄與讀書人好將穩步青雲上莫向平康謾惹
塵

黃淑

黃淑字致柔建寧進士王防妻也防爲泗州戶曹卒

黃挈柩歸未幾母又卒號痛幾絕服除親戚議改適
廬陵令黃誓不改節咏竹詩以見志詩曰勁直忠臣
節孤高烈女心四時同一色霜雪不能侵竟憂鬱而
死幼通詩書臨終囑其妾以藁置柩中

李少雲

少雲士族女夫死無子乃棄家着道士服往來江淮
間能詩名有幾多柳絮風翻雪無數桃花水浸霞之
句其病中咏梅花云素豔明寒雪清香任曉風可憐
渾似我零落此山中

朱氏

言文身卷一
朱氏安康夫人也宋亡夫人與安定夫人陳氏及二小姬沐浴整衣縊死題詩結于衣中云既不辱國幸免辱身世食宋祿羞為北臣妾輩之死守于一貞忠臣孝子期以自新丙子五月吉日泣血書世祖覽之命斷其首懸全后所

徐君寶妻

徐君寶岳州人其妻被虜來杭居韓蘄王府自岳至杭相從數千里其主者數欲犯之而終以巧計脫蓋有今姿主者弗忍殺之也一日主者怒甚將即強焉因告曰俟妾祭謝先夫然後乃為君婦不遲也君笑

怒為主者喜諾乃焚香再拜默祝南向飲泣題滿庭芳詞一闕于壁上云漢上繁華江南人物尚遺宣政風流綠窓朱戶十里爛銀鈞一旦刀兵齊舉旌旗擁百萬貔貅長驅入歌樓舞榭風捲落花愁清平三百載典章文物掃地都休幸此身未北猶客南州破鑑徐郎何在空惆悵相見無由從今後斷魂千里夜夜岳陽樓書畢投大池中而死

王清惠

王清惠宋昭儀也至正丙子伯顏入臨安以王北去題滿江紅詞于驛壁云太液芙蓉渾不似舊時顏色

曾記得恩承雨露玉樓金闕名播蘭簪妃后裏暈潮
蓮臉君王側忽一朝鼙鼓揭天來繁華歇龍虎散風
雲滅千古恨憑誰說對山河百二淚沾襟血驛館夜
驚塵土夢宮車曉碾關山月願嫦娥相顧肯從容隨
圓缺抵上都懇請爲女道士號冲華

張瓊英

張瓊英宋故宮人從三宮北去留滯燕京時有汪元
亮以善琴召赴上都汪不願仕賜黃冠遣還張以詩
送之曰客有黃金共懷璧如何不肯贖奴回今朝且
盡穿廬酒後夜相思無此杯

王氏

王氏臨海民妻爲千夫長殺其夫而欲妻之念將被
汚給請持服朞月乃可千夫長從之仍使俘婦雜守
賦還過嶮之清風嶺嚙指血題口占詩于崖石上詩
云君王無道妾當灾棄女拋男逐馬來夫面不知何
日見妾身還向幾時回兩行怨淚偷頻滴一對愁眉
鎖不開遙望家鄉何處是存亡二字實哀哉遂投崖
下以死石上血債起至今猶存

韓希孟

希孟韓魏公琦五世孫少明慧知讀書嫁襄陽賈瓊

元兵破巴陵爲卒所掠將獻其主時年十八知不可
免乘間赴水死三日有得其屍并得詩于練帶中詩
曰我資本瑚璉宗廟供蘋蘩一朝嬰禍難失身戎馬
間寧當血刃死不作衽席完漢上有王猛江南無謝
安長號赴洪流激烈摧心肝又所傳一篇與此不同
詩曰宋未有天下堅正臣禮秉開國百戰功每陣惟
雄整及侍周幼主臣心常罔罔帝曰卿北伐山戎今
有警死狗莫擊尾此行當繫頸即日辭陛下盡敵心
欲逞陳橋忽兵變不得守箕穎禪讓法堯舜民物頗
安靜有國三百年仁義道馳騁未改祖宗法天胡肆

大青細思天地理中有幸不幸天果喪中原大似裂
冠衽君誠不獨活臣實無魏丙失人焉得人垂戒常
耿耿江南無謝安塞北有王猛所以戎馬來飛渡似
陵境大江限南北今此一舩艤本期固封疆誰謂如
畫餅烈火燎崑岡不辨金玉礦妾本良家子性僻守
孤梗嫁與尚書兒銜署紫蘭省直以才德合不棄宿
瘤癭初結合歡帶誓比日月晒鴛鴦會雙飛比目願
常並豈期金石堅化作棄榆景旄頭勢正然蚩尤氣
先屏不意風馬牛復及此燕郢一方遭劫虜六族死
俄頃退鷁落迅風孤鸞吊空影簪堅折白玉瓶沉斷

青綆一死空實府憂心長炳炳妾堅志不移改邑不改井我本瑚璉器安肯作溺皿志節匪轉石氣噎如吞鯁不作燭火然願爲死灰冷貪生念麴蛾乞憐羞虎穿借此清江水葬我全首領皇天如有知定作血面請願魂化精衛填海使成嶺後有長興州判官沈思安者嘗託劉元履丐趙子昂爲書其詩元履諾而未言一夕夢一婦人云趣爲我求書庶因大人君子之筆發摠幽憤子昂聞而異之爲寫一通歸之

杜氏婦

杜氏婦江淮人被掠北行題詩驛亭云江淮婦女別

鄉間一似昭君遠嫁胡默默一身歸故國區區千里逐狂夫慵拈簫管吹羌笛懶繫羅裙舞鷓鴣多少眼前悲淚事不如花柳日江都或疑此詩戲題以爲美談者

靈原夫人

靈原夫人中秋詩云高秋渾似水萬里正圓明玉兔步虛碧冰輪碾太清廣寒宮有路桂子落無聲吾館無絃彈棲鳥莫要驚

暨氏

暨氏建安人年十歲作野花詩云多情樵牧頻簪髻

言女史卷一
十五
無主蜂鶯任宿房時人謂其必失節後果然

琵琶亭女子

有一女子題詩琵琶亭云爺娘重利妾身輕一曲琵琶萬里行彈到陽關齊拍手不知原是斷腸聲

張氏女

張芸叟左遷集兒女把酒芸叟有慨然不樂之意命各探坐中物賦詩一女賦蠟炬曰尊前獨垂淚應爲未灰心蓋以諷也芸叟稱之

第十卷終

詩女史

第十一卷

錢塘田蕪蘅撰

李清照

清照姓李氏號易安居士濟南人李格非之女趙明誠之妻幼有才藻能文辭明誠者東武人清獻丞相中子也德甫著金石錄其妻與之同志乃共相考究而成繇是名重一時趙沒後愍悼舊物之不存乃作後序云予以建中辛巳歸趙氏時丞相作吏部侍郎家素貧儉德甫在太學每月朔望謁告出質衣取半千錢步入相國寺市碑文果實歸相對展玩咀嚼後

二年從官便有窮盡天下古文奇字之志傳寫未見
書買名人書畫古奇器有持徐熙牡丹圖求錢二十
萬留信宿計無所得卷還之夫婦相向惋悵者數日
及連守兩郡竭俸入以事鈔槧每獲一書即日勘校
裝輯得名畫藝器亦摩玩舒卷指摘疵病盡一燭爲
率故紙札精緻字畫全整冠于諸家每飯罷坐歸來
堂烹茶指堆積書史言某事在某書某卷第幾葉第
幾行以中否勝負爲飲茶先後中則舉杯大笑或至
茶覆懷中不得飲而起凡書史百家字不利缺本不
誤者輒市之儲作副本靖康丙午德甫守淄川聞虜

犯京師盈箱溢篋戀戀悵悵知其必不爲已物建炎
丁未奔太夫人之喪南來旣長物不能盡載乃先去
書之印本重大者畫之多幅者器之無款識者已又
去書之監本者畫之平常者器之重大者所載尚十
五車連艦渡淮江其青州故第所鎖十間屋期以明
年具舟載之又化爲煨燼已酉歲六月德甫駐家池
陽獨赴行都自峴上望舟中告別予意甚惡呼曰如
傳聞城中緩急奈何遙應曰從衆必不得已先棄輜
重次衣衾次書冊次卷軸次古器獨宋器者可自負
抱與身俱存亡勿忘之徑馳馬去秋八月德甫以病

不起時六宮往江西予遣二吏部所存書一萬卷金石刻二千本先往洪州至冬虜陷洪遂盡委棄所謂連艦渡江者又散爲雲煙矣獨餘輕小卷軸寫本李杜韓柳集世說鹽鐵論石刻數十副軸鼎彝十數及南唐書數篋偶在卧內巋然獨存上江旣不可往乃之台温之衢之越之杭寄物於嵯縣庚戌春官軍收叛卒悉取去入李將軍家巋然者十失五六猶有五七篋挈家寓越城一夕爲盜穴壁負五篋去盡爲吳說運使賤價得之僅存不成部帙殘書策數種忽閱此書如見故人因憶德甫在東萊靜治堂裝標初就

正籤縹帶束十卷作一帙日校二卷跋一卷此二千卷有題跋者五百二卷耳今手澤如新墓木已拱乃知有有必有無有聚必有散亦理之常又胡足道所以區區記其終始者亦欲爲後世好古博雅者之戒云時紹興四年也其舅正夫相徽宗朝獻詩曰炙手可熱心可寒且達于古今治體其味史云兩漢本繼紹新室如贅疣又云所以嵇中散至死薄殷周非婦人所能道者然無檢操再適張汝舟未幾反目有啓事與綦處厚云猥以桑榆之晚景配茲駟僮之下材傳者笑之晚節流落江湖間以萃有文集十二卷

打馬圖賦叙云予性專博晝夜每忘食事南渡金華
僑居陳氏講博奕之事遂作依經打馬賦曰歲令云
徂廬或可呼千金一擲百萬十都樽俎具陳已行揖
讓之禮主賓既醉不有博奕者乎打馬爰興擣蒲遂
廢實博奕之上流乃閨房之雅戲齊驅驥駉疑穆王
萬里之行間列玄黃類楊氏五家之隊珊珊珮響方
驚玉鞞之敲落落星羅忽見連錢之碎若乃吳江楓
落胡山葉飛玉門關閉沙苑草肥臨波不渡似惜障
泥或出入用奇有類昆陽之戰或優游仗義正如涿
鹿之師或問望父高睨復庾郎之失或聲名素昧便

同癡叔之奇亦有緩緩而歸昂昂而立鳥道驚馳蟻
封安步崎嶇峻坂未遇王良跼促鹽車難逢造父且
夫丘陵云遠白雲在天心存戀豆志在著鞭止蹄黃
葉何異金錢用五十六采之間行九十一路之內明
以賞罰覈其殿最運指揮於方寸之中決勝負於幾
微之外且好勝者人之常情小藝者士之末技說梅
止渴稍蘇犇競之心畫餅充饑少謝騰驤之志將圖
實效故臨難而不回欲報厚恩故知機而先退或銜
枚緩進已踰關塞之艱或奮勇爭先莫悟奔墜之墜
皆由不知止足自貽尤悔况爲之不已事實見於正

經用之以誠義必合於天德故遶牀大呼五木皆盧
瀝酒一呼六子盡赤平生不負遂成劔閣之師別墅
未輸已破淮肥之賊今日豈無元子明時不乏安石
又何必陶長沙博局之投正當師袁彥道布帽之擲
也亂曰佛貍定見酉年死貴賤紛紛尚流徙滿眼驩
騶雜駉騶時危安得真致此老矣誰能志千里但願
相將過淮水

皇帝閣詩云日月堯仁大璇璣舜曆長或聞行殿帳
多是上書囊莫進黃金篋新除玉局牀春風送庭燎
不復用沉香

貴妃閣云金環半后禮鈎弋比昭陽春生栢子帳喜
入萬年觴

烏江絕句云生當作人傑死亦爲鬼雄至今思項羽
不肯過江東

分得知字云學語三十年緘口不求知誰遣好奇士
相逢說項斯

曉夢云曉夢隨踈鐘飄然躡雲霞因緣安期生邂逅
萼綠華秋風正無賴吹盡玉井花共看藕如船同食
棗如瓜翩翩坐上客意妙語亦佳嘲辭闢詭辨活火
分新茶雖非助帝功其樂莫可涯人生能如此何必

歸故家起來歛衣坐掩耳厭諠譁心知不可見念念
猶咨嗟

春殘云春殘何事苦思鄉病裏梳頭恨最長梁燕語
多終日在薔薇風細一簾香

宣和辛丑八月十日到萊獨坐一室平生所見皆不
在目前凡上有禮韻因信手開之約以所開爲韻作
詩偶得子字因以爲韻作感懷詩云寒窗敗几無書
史公路可憐合至此青州從事孔方君終日紛紛喜
生事作詩謝絕聊閉門莫寢凝香有佳思靜中我乃
得至交烏有先生子虛子

醉花陰云薄霧濃雲愁永晝瑞腦噴金獸佳節又重
陽寶枕紗厨半夜秋初透東籬把酒黃昏後有暗
香盈袖莫道不銷魂簾捲西風人似黃花瘦
如夢令云昨夜雨疎風驟濃睡不消殘酒試問捲簾
人却道海棠依舊知否知否應是綠肥紅瘦
念奴嬌云蕭條庭院又斜風雨重門須閉寵柳嬌花
寒食近種種惱人天氣險韻詩成扶頭酒醒別是閒
滋味征鴻過盡萬千心事難寄樓上幾日春寒簾
垂四面玉闌干慵倚被冷香銷新夢覺不許愁人不
起清露晨流新桐初引多少遊春意日高煙斂更看

今日晴未

阮逸女

逸女工于文詞今傳于世者惟花心動一闕云仙苑
春濃小桃開枝枝已堪攀折乍雨乍晴輕暖輕寒漸
近賞花時節柳搖臺榭東風軟廉櫳靜幽禽調舌斷
魂遠間尋翠徑頓成愁結 此恨無人共說還立盡
黃昏寸心空切強整翠衾獨掩朱扉簾枕為誰鋪設
夜長宮漏傳聲遠紗窓映銀缸明滅夢回處梅梢半
籠淡月

陳彥章妻

陳彥章興化人新娶明春入太學其妻作沁園春詞
以送之云記得爺爺說與奴奴陳郎俊哉笑世人無
眼老夫得法官人易聘國士難媒聞信乘龍黃綠叶
鳳選似楊鞭選行來果然是西雍人物京樣官坯
送郎上馬三杯莫把離愁惱別懷那孤燈隻硯郎君
珍重離愁別恨奴自推排白髮夫妻青衫事業兩句
微吟當折梅彥章去早歸則箇免待相催

劉昂臣妻

劉昂臣婺州人省試瀕行其妻自製彩花一枝贈之
侑以鷓鴣天云金屋無人夜剪繒寶釵翻過齒痕輕

臨行執手殷勤送襯與蕭郎兩鬢青
聽囑付好看承千金不抵此時情
明年宴罷瓊林晚酒面微紅相
映明

孫夫人

孫夫人南鄉子云曉日壓重簷斗帳春寒起未忤天
氣困人梳洗懶眉尖淡畫春山不喜添
閑把繡絲擗認得金針又倒拈陌上遊人歸也未厭厭滿院楊
花不捲簾

鄭文妻孫氏

鄭文秀州人爲大學生父寓行都其妻寄以憶秦娥

詞云花深深一勾羅襪行花陰行花陰閒將柳帶試
結同心耳邊消息空沉沉畫眉樓上愁登臨愁登
臨海棠開後望到如今

易祓妻

易祓潭州人以優等爲前廊久不歸其妻作一剪梅
詞寄之云染淚脩書寄彥章貪却前廊忘却回廊功
名成遂不還鄉石做心腸鐵做心腸紅日三竿嬾畫
粧虛度韶光瘦損容光不知何日得成雙羞對鴛鴦
嬾對鴛鴦

杜大中妾

杜大中自行伍爲將與物無情有愛妾才色俱美大
中牋表皆此妾爲之一日大中方寢几上有紙頗佳
妾書一闕臨江仙有彩鳳隨鴉之語大中覺而視之
云鴉且打鳳掌其面頰折而死

慕容崑卿妻

慕容崑卿姑蘇人其妻嘗作詞云滿目江山憶舊遊
汀洲花草弄春柔長亭艤住木蘭舟 好夢易隨流
水去芳心空逐曉雲愁行人莫上望京樓浣溪沙也

延安夫人

延安夫人長于詞立春寄李順妹臨江仙云一夜東

風穿繡戶融融暖應佳時春來何處最先知平明埜
上柳染遍鬱金枝 姊妹嬉遊時節近今朝應怨來
遲憑誰說與到家期玉釵頭上勝畱待遠人歸
寄李王妹更漏子云小闌干深院宇依舊當時別處
朱戶鎖玉樓空一簾霜日紅 弄珠江何處是望斷
碧雲無際凝淚眼出重城隔溪羌笛聲
暫止樂昌館寄姊妹蝶戀花云淚搵征衣脂粉暖四
疊陽關唱了千千遍人道山長山又斷蕭蕭微雨聞
孤館 惜別傷離方寸亂忘了臨行酒盞深和淺若
有音書憑過鴈東萊不似蓬萊遠又踏莎行云孤館

深沉曉寒天氣解鞍獨自闌干倚暗香浮動月昏黃
落梅風送沾衣袂 待寫紅箋憑誰與寄先教覓取
嬉遊地到家正是早春時小桃花下拚沉醉

易少夫人

易少夫人善屬辭詠熟水臨江仙云何處甘泉來席
上嫩黃初湯銀瓶月團嘗罷有餘清惠山名品在歌
舞暫留停 欲賞壑源新氣味不應兼進豨苓此中
端有淡交情相如方病酒一飲骨毛輕

又云記得高堂同飲散一杯湯罷分攜絳紗籠影簇
行旗更殘銀漏急天淡玉繩低 只恐曲終人不見

歌聲且爲遲遲如今車馬各東西畫堂攜手處疑夢
又疑非

周韶

龍靚

胡楚

周韶杭妓也有詩名好蓄哥茗嘗與蔡君謨鬪勝題
品風味君謨屈焉蘇子容過杭太守陳述古飲之召
韶佐酒韶因求落籍子容指檐間白鸚鵡曰可作一
絕韶援筆揮云隴上巢空歲月驚忍看回首自梳翎
開籠若放雪衣女長念觀音般若經時韶適衣白故
云雪衣女一座笑賞述古遂令落籍同席龍靚胡楚
俱有詩送韶靚曰桃花流水本無塵一落人間度幾

春解佩暫酬交甫意濯纓還見武陵人楚曰淡妝輕
素鶴翎紅移入朱闌便不同應笑西園舊桃李強勻
顏色待春風靚亦杭妓時張子野老於杭多爲官妓
作詩而不及靚因賦詩獻之曰天與群芳十樣葩獨
分顏色不堪誇牡丹芍藥人題遍自身如鼓子花
子野甚喜爲之賦詞一闕云楚亦杭妓寄人詩云不
見當時丁令威年來處處是相思若將此恨同芳草
卻恐青青有盡時

蘇小娟

蘇小娟錢塘名娼也後麗工詩其姊盼奴與太學生

趙不敏甚洽款久之不敏日益貧盼奴周給之使篤
於業遂捷南省得官授襄陽府司戶盼奴未落籍不
得偕老不敏赴官三載想念成疾而卒有祿俸餘貲
囑其弟趙院判均分之一以贍院判一送盼奴且言
盼奴有妹小娟俊雅能吟可謀致之佳耦也院判如
言至錢塘託宗人倅錢塘者召盼奴其家云盼奴一
月前死矣小娟亦爲盼奴所歡以於潛官絹誣攀繫
府獄倅從獄中召小娟出詰之曰汝誘商人官絹百
疋何以償之小娟叩頭言此亡姊盼奴事乞賜周旋
非惟小娟感荷更生盼奴亦蒙恩泉下也倅喜其辭

婉順因問汝識襄陽趙司戶否小娟曰趙司戶未仕
時與姊盼奴交好後中科授官去盼奴相思致疾而
死俸曰趙司戶亦謝世矣遣人附一緘及餽物一罨
外有其弟院判一緘付爾開之小娟自謂不識院判
何人及拆書惟一詩云當時名妓鎮東吳不好黃金
只好書借問錢塘蘇小小風流還似大蘇無小娟得
詩默然俸索和之小娟以不能辭俸強之且曰不和
即償官絹小娟不得已索紙援筆書云君住襄江妾
住吳無情人寄有情書當年若也來相訪還有於潛
絹也無俸大喜盡以所寄物與之免其償絹且爲脫

籍歸院判偕老焉

嚴蕊

嚴蕊字幼芳天台營妓色藝冠絕一時唐太守仲友
嘗命賦紅白桃花藥即調如夢令云道是梨花不是
道是杏花不是白白與紅紅別是東風情味曾記曾
記人在武陵微醉一日七夕郡齋高會有豪士謝元
卿命以己姓爲韻賦七夕酒未行而詞已就名鵲橋
仙云碧梧初出桂花纔吐池上水花微謝穿鍼人在
合歡樓正月露玉盤高瀉 蛛忙鵲懶耕慵織倦空
做古今佳話人間剛道隔年期怕天上方纔隔夜後

言文史十一
朱熹與仲友有隙欲摭其罪指唐與藥為濫繫獄月
餘備受箠楚而一語不及唐移籍紹興置獄鞠之久
亦不服吏勸其認罪不過杖藥曰賤妓縱與太守濫
罪不至死然妄言以汚士大夫則死不可誣也獄再
兩月委頓幾絕而聲價愈騰至徹阜陵之聽未幾朱
改除而岳商卿代之命藥作詞自陳藥畧不構思口
占卜筮子云不是愛風塵似被前緣誤花落花開自
有時總賴東君主 去也終湏去住也如何住若得
山花插滿頭莫問奴歸處岳即日出之判令落籍而
宗室納之

翁客妓

翁客自蜀挾一妓歸居之別室率數日一往偶以病
少疎妓疑之翁作詞自解妓即韻答以踏莎行云說
盟說誓說情說意動便春愁滿紙多應念得脫空經
是那箇先生教底 不茶不飯不言不語一味供他
憔悴相思已是不會閒又那得工夫呪你

蜀妓

送行云欲寄意渾無所有折盡市橋官柳看君着上
征衫又相將放船楚江口 後會不知何日又是男
兒休要鎮長相守苟富貴無相忘若相忘有如此酒

言文身十一
青幕子婦

青幕子婦妓也同輦以詞挑之婦荅云清詞麗句未
叔子瞻會獨步似恁文章寫得出來當其強乃木蘭
花也

周氏

周氏閩伎也陳筑登第爲福州古田尉至官惑之周
嘗作一絕句贈筑云夢和殘月過樓西月過樓西夢
已迷喚起一聲腸斷處落花枝上鷓鴣啼筑字夢和
故首句寓意焉

文婉

呂氏

味弓婦

文婉錢氏之婦也温州樂清人題白石山云霜月天
邊清興遠金鐘雲裏夢竟閒呂氏伯恭姑清源君也
詩云前身當是陶淵明愛酒不入遠公社一婦人味
中秋夜月押尖字云蚌胎光透殼犀角暈盈尖

蕭瑟瑟

蕭氏小字瑟瑟天祚文妃也國舅大父房之女乾統
初帝幸耶律撻葛第見而悅之匿宮中生蜀國公主
晉王敖廬幹尤被寵幸加號承翼善歌詩女直亂作
日見侵迫帝畋遊不恤忠臣多踈斥妃作歌諷諫其
詞曰勿嗟塞上兮暗紅塵勿傷多難兮畏夷人不如

塞姦邪之路兮選取賢臣直須卧薪嘗膽兮激壯士
之捐身可以朝清漠北兮夕枕燕雲又歌曰丞相來
朝兮劔佩鳴千官側目兮寂無聲養成外患兮嗟何
及禍盡忠臣兮罰不明親戚並居兮藩屏位私門潛
畜兮爪牙兵可憐往代兮秦天子猶向宮中兮望太
平天祚銜之赦盧幹素有人望元后兄蕭奉先忌之
誣南軍都統余覩謀立晉王以妃與聞賜死内外莫
不冤之

第十一卷終

詩文史

第十二卷

錢塘田藝蘅撰

管道昇

管道昇字仲姬趙

畫奉中宮命題梅云

雪後瓊枝嬾霜中玉

寒前村留不得移入月宮看

劉氏

劉氏洞庭人葉正甫妻也夫久客都門劉氏以詩寄
夫衣曰情同牛女隔天河又喜秋來得一過歲歲寄
郎身上服絲絲是妾手中梭剪聲自覺和腸斷線脚
那能抵淚多長短只依先去樣不知肥瘦近如何

郭暉妻

郭暉士人也寄妻詩誤封白紙其妻因荅之曰碧紗
窓下啓緘封尺紙從頭撒尾空應是仙郎懷別恨憶
人全在不言中

李氏

李氏黨學女也適巴長卿甚貧女亦安之諸姊妹有
適鄒者甚富而笑之遂作巴家富詩云誰道巴家窘
巴家十倍鄒池中羅水馬庭下列蝸牛燕麥紛無數
榆錢散不收夜來添驟富新月挂銀鈎

吳氏

吳氏處子也其父歿與母獨居有進士鄭僖者因媒
通詩辭欲娶爲二室女慕鄭才亦不之拒其母不從
奪許周氏非女志也因酬鄭生詩云慈親未識意如
何不肯令君畫翠蛾自是杏花開較晚梅花先得舊
情多又云今生緣分料應難接得新詩不忍看謾說
胸襟有才思却無韓壽與紅鸞其病中荅鄭生詩云
淚珠滴滴濕香羅病裏芳肌瘦減多莫恠夜來春夢
淺不知今日定如何又云青衣扶起鬢雲偏病裏情
懷最可憐已自懨懨無氣力強擡纖手寫雲牋竟悲
愁而卒鄭爲作春夢錄一卷僖字天趣黃岩州同知

孫淑

孫淑字蕙蘭汴人早失父母周鄉教以經傳因其第
受唐詩法輒傳其音格為道體皆閒雅然不多作嘗
毀其藁曰女子非所事也年二十三適新喻傳汝礪
五日而卒雜詠詩云彩閣閉朝寒妝成擬問安忽聞
春雪下喚婢卷簾看又云粲粲梅花樹盈盈似玉人
甘心對冰雪不愛豔陽春又云小小春羅扇團團秋
月生蟠桃花樹裏繡得董雙成又云自拂雙眉黛何
曾慣得愁若教如翠柳便恐不禁秋又云樓前楊柳
發青枝樓下春寒病起時獨坐小窓無氣力隔簾風

亂海棠絲又云綠窓寂寞掩殘春繡得羅衣嬾上身
昨日翠幃新病起蒲簾飛絮正愁人又云小妹方纔
習孝經可憐嬌怯性偏靈自尋女誠窓前讀嗔道家
人不與聽又云幾點梅花發小盆冰肌玉骨伴黃昏
隔窓又坐憐清影閒劃金釵記月痕又云繡被寒多
未欲眠梨花枝上聽春鶻明朝又是清明節愁見人
家買紙錢又云春風昨夜碧桃開正想瑤池月滿臺
欲折一枝寄王母青鸞飛去幾時來又云乞巧樓前
雨乍晴彎彎新月伴雙星鄰家小女都相學鬪取金
盆看五生又云小窓今日繡鍼閒坐對銀蟾整翠鬟

言女史十二
三
允世何曾到天上月宮依舊似人間烹茗詩云小閣
烹香茗踈簾下玉鈎燈光翻出鼎釵影倒沉甌婢捧
消春困親嘗散暮愁吟詩因坐久月轉晚粧樓窓前
柳云窓裏人初起窓前柳正嬌卷簾衝落絮開鏡見
垂條坐對分金線行防拂翠翹流鶯空巧語倦聽不
須調若金題曰綠函遺稿并志其殯于湘中云

張氏婦

張氏婦寄外兄弟云山之高月出小月之小何皎皎
我有所思在遠道一日不見兮我心悄悄采苦采苦
于山之南忡忡憂心其何以堪又云汝心金石堅我
操冰霜潔擬結百歲盟忽成一朝別朝雲暮雨歸去
來千里相思共明月

余季女

余季女臨海儒家女也有容德善屬文贅水宗道月
餘宗道媿已不妻若輒辭歸閉門讀書久不返余裁
九章招之其一云妾誰怨兮薄命一氣孔神兮化生
若甌春山娟兮秋水淨秉貞潔兮妾之性聊復歌兮
遣興其二云夜夢兮食梨命靈氛兮與余占之曰行
道兮遲遲歛角枕兮粲如風動帷兮心悲其三云雲
黯黯兮雪飛棘夫子介兮如石誓復留兮不得望平

原兮太息滄泗橫兮沾臆其四云送子去兮春樹青
望子來兮秋樹零樹有枝兮枝有英我胡爲兮榮榮
子在此兮山城其五云織女兮牛郎豈謂化兮爲參
商欲徑渡兮河無梁霜露侵襲兮病偃在牀嗟嗟夫
子兮誰與縫裳宗道卒不聽及余病且死宗道夢余
訣曰妾委鮪矣子盍送我既而訃至宗道未幾悲死

萬氏

萬氏龍泉季君問妻守節不再適詠枕上繡梅以見
意云灑灑英標別樣奇歲寒心事有誰知妾心正欲
同貞白枕上殷勤繡一枝

鄭允端

鄭允端者施伯仁妻也題明皇並轡圖云三郎沉醉
後上馬玉環隨如何西幸日不是並鞍時

題画云誰貌江南景風煙萬里寬金銀開佛寺紫翠
出林巒遠客馳行役幽人賦考槃蒼茫無限意撫卷
爲盤桓

耕牧圖云幽人薄世味耕牧山之陰自抱村野姿常
懷畎畝心行行南山歌落落梁甫吟掛書牛角上揮
鋤瓦中金飽飯黃昏後力田春雨深四體勤樹藝三
生悟浮沉巢父世高尚德公人所欽伊人去已遠高

風邈難尋撫卷空歎息俯仰成古今
望夫石云良人有行役遠在天一方自期三年歸一
去凡幾霜登山臨絕巘引領望歸航歸航望不及躑
躑空徬徨化作山頭石兀立倚穹蒼至今心不轉日
夜遙相望石堅有時爛海枯成田桑石爛與海枯行
人歸故鄉

詠鏡云皎皎奩中鏡相隨越歲年清光何所如明月
懸中天我昔十五餘顏色如花鮮對之理晨粧塗抹
鬪嬋娟近來年頗長貧病相憂煎形容頗老醜無復
施朱鉛今朝鏡亦昏塵垢食連錢相看自黯黯焉能

分媼妍人生有盛衰物情隨變遷世間類如此何用
增慨然

紀夢云麻姑古仙人忽然形夢寐初焉不相識儼然
一處女年可十七八指爪長有咫高髻青霞衣餘髮
散如縷自云接待來三變桑田水近過蓬萊山弱水
亦清泚招我西家遊池頭見阿姬余笑而不言飄飄
自高舉仰望空雲煙夢回發長喟

憶妹云有妹隨夫壻之官在匡廬到今年久音問
絕來書近聞群盜起總在大江西所志剽城邑殺人
血成渠不知患難中生死竟何如懷哉鵲鷓原獨坐

泐秋予

搗衣曲云男兒遠向交河道鐵馬金戈事征討邊城
八月霜風寒欲寄戎衣須及早急杵清砧搗夜深王
織銅斗熨貼平裁縫製就衣襖裙千針萬線始得成
封裏重重寄邊使爲與夫君奮忠義好將勲業立邊
陲要使功名垂史記

山水幛歌云我有一疋好素絹畫出江南無數山筆
法豈但李營丘直擬遠過楊契丹良工好手不可遇
此画森然能布置層巒疊嶂擁復闕惟石長松儼相
對板橋茅屋林下隈瀑流激石聲如雷恍然坐我匡

廬下便覺胸次無凡埃此身能向閨中老自恨無由
致幽討布襪青鞋負此生長對画圖空懊惱

秋胡戲妻云婉彼魯姬姜出採林下桑遠人何處來
下馬古道傍黃金致微言少年爲貴郎婦人秉素心
鐵石填衷腸豈爲物所移古井波瀾揚謂謝道傍子
請歌行路章

吳人嫁女辭并叙云余見尋常百姓家多以女與達
官貴人雖誇耀于一時而終不諧老故作詩以警之
云種花莫種官路傍嫁女莫嫁諸侯王種花官道人
將取嫁女侯王不久長花落色衰人易變離鸞鏡破

終成怨不如嫁與田舍郎白首相看不下堂

盧仝小像云破帽長髯老王川遺經獨抱幾經年有

唐一代元和史總在高吟日蝕篇

琵琶亭云天空月白江水寒斜抱琵琶寄所宣自古

佳人多命薄不須惆悵販茶船

万俟蕙柔

蕙柔姓万俟江南士人妻也遭虜至壽沙驛題詩驛

中云夫官湖右妾江東三載孤幃日夕空葵萼有心

終向日柳花無力苦隨風兩行血淚孤燈下萬里家

鄉一枕中鴈到衡陽身即返有書難倩子卿鴻

徐氏

徐嗣元女浦城人至正乙未為青田寇所掠途中作

詩云萬水千山去路賒青鞋踏破幾層沙登山絕頂

重逢嶺渡水尤深又復涯鴈字只傳夫與子魚書難

寄母和爺回頭遙望鄉關處雲下峰前是我家

紹興女

紹興有女子欲守志不嫁因伯顏刷天下女子其父

母不獲已嫁之女於定情之夕題詩壁上云我年一

十有九面貌如花似柳父母逼勒成親只得歡喜忍

受自小六根清淨如何一夜弄醜洞房花燭休休清

言文身一
風明月皎皎擲筆而逝鄉里異焉

何氏

何氏龍游大家婦至正間爲亂兵所掠裂帛題詩云
妾長朱門十九春豈期今逐虜囚奔失身無補君王
事死節難酬夫婿恩江靜從教沉弱質月明誰與吊
歸魂只愁父母難相見願與來生作子孫遂投水死

曠家婦藺氏

曠家婦吉安人至正壬辰爲紅巾盜所掠欲妻之婦
乃手刃其子題詩于壁云涇渭難分濁與清妾身豈
肯墮風塵孤兒未必從他姓一女何曾事二人白刃

自傷心似鐵黃泉要見骨如銀深山落日猿啼處過
客聞之亦慘神擲筆自刎一云藺氏爲鄧平章所獲

胡妙端

胡氏岷縣人適祝氏至正庚子爲苗軍所掠至金華
義不受辱嚙血題詩于壁云弱質空懷漆室憂搜山
千騎入深幽旌旗影亂天同慘金鼓聲淫鬼亦愁父
母劬勞何日報夫妻恩愛此時休九泉有路還歸去
那箇雲邊是越州遂赴水死三月二十四日也

劉宜

劉氏名宜大同人至正戊申秋與姑華氏俱爲河南

軍帥竹貞所掠苦被驅迫華謂劉曰汝芳年柰何劉曰有死耳華曰勿無刃縊無索柰何劉曰當激賊怒以就死耳遂相與大罵遇害劉時年二十一嘗賦庭柏以自况云群卉枯落時挺節成孤秀既保歲寒心不在遐年壽

戴復古妻

戴復古未遇時游江右武寧富翁愛其才以女妻之居三年欲歸問之知其有婦也白之父父怒復死曲解釋盡以奩具贈夫仍餞以祝英臺近詞云惜多才憐薄命無計可留汝揉碎花牋忍寫斷腸句道傍楊柳依依千絲萬縷抵不住一分愁緒 擬月盟風不 是夢中語後回君若重來不相忘處把杯酒澆奴墳土夫既別遂赴水而死

曹妙清

曹妙清字比玉號雪齋錢塘人工詩善鼓琴行草皆有法度事母孝謹三十不嫁而風操可尚與楊廉夫為文字友有集廉夫為之叙嘗和廉夫竹枝詞云美人絕似董妖嬈家住南山第一橋不肯隨人過湖去月明夜夜自吹簫廉夫答妙清云紅牙管蒂紫狸毫雪水初融玉帶袍寫得薛濤萱草帖西湖紙價頓能

高玉帶袍者曹之名硯其云萱草帖者狀其孝也

張妙淨

張妙淨字惠蓮號自然道人錢塘人曉音律情逸而才飄晚居姑蘇之春夢樓亦與楊廉夫爲文字友和廉夫竹枝詞云憶把明珠買妾時妾起梳頭郎畫眉郎今何處妾獨在怕見花間雙蝶飛

王氏

王氏者大都歌妓也作粉蝶兒詞寄人云江景蕭疎更那堪楚天秋暮占西風柳敗荷枯立夕陽空凝佇江鄉古渡水接天隅恨瀾漫晚山煙樹

元氏

元氏元遺山妹女冠也張平章欲娶之往探其所向見其補天花版詩悚然不敢言而退詩云補天手段暫施張不許纖塵落畫堂寄語新來雙燕子移巢別處覓雕梁

高氏 阿禧主

高氏大理宣慰使段功夫人也功擊敗明玉珍梁王忽哥赤德之以女阿禧主妻之授雲南省平章父不歸國高氏寄樂府一章促之曰風卷殘雲九霄冉冉逐龍池無偶水雲一片綠寂寞倚幃屏春雨紛紛促

蜀錦半閒鴛鴦獨自宿好語我將軍只恐樂極悲生
冤鬼哭功得書即歸已而復往善聞梁王疑之召主
毒功主私語功不聽卒格殺之主欲自盡王守者萬
方主愁憤作詩曰吾家住在鴈門深一片閒雲到滇
海心懸明月照青天青天不語今三載欲隨明月到
蒼山悞我一生踏裏彩胡錦被名吐噲吐噲段阿奴吐噲華言
惜施宗施秀同奴歹雲片波潏不見人押不蘆花顏
色改押不蘆花乃起死回生草肉屏獨坐細思量肉屏乃駱駝背西山鐵
立霜瀟灑鐵立乃松林也

嬌紅

嬌紅蜀人姓王氏與申純善純紅內兄弟也為婢飛
紅所間將別嬌紅作一剪梅詞送之云豆蔻梢頭春
意闌風滿前山雨滿前山杜鵑啼血五更殘花不禁
寒人不禁寒離合悲歡事幾般離有悲歡合有悲
歡別時容易見時難怕唱陽關莫唱陽關後父母欲
強許他人嬌紅悲怨成疾且死以詩別生曰如此鍾
情世所稀吁嗟好事到頭非汪汪兩眼西風淚灑向
陽臺作雨飛竟以憂卒生得詩亦不食而死

咏梅花尼

元時一尼詠梅花云終日尋春不見春芒鞋踏破嶺

頭雲歸來笑撚梅花嗅春在枝頭已十分蓋悟真之
言也後果得道



